

საჯარო სამართლის იურიდიული პირი – საჯარო რეესტრის ეროვნული სააგენტო

სატენდერო დოკუმენტაცია

ფიჭურ-მობილური ქსელის მეშვეობით მონაცემთა გადაცემის მომსახურების შესყიდვა

გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 მაისის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

ქ. თბილისი
დეკემბერი 2013 წელი

სატენდერო დოკუმენტაცია

სარჩევი

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად -----	3-4
2. ტექნიკური დავალება, სატენდერო წინადადების ფასის დაანგარიშების წესი, ანგარიშსწორების პირობები (ხელშეკრულების სავალდებულო პირობები) -----	5
3. პრეტენდენტის მიერ წარმოსადგენი ტექნიკური დოკუმენტაცია -----	5
4. დამატებითი ინფორმაცია -----	6
დანართი №1 ფასთა ცხრილის ფორმა -----	7
დანართი №2 სახელმწიფო შესყიდვის შესახებ ხელშეკრულების პროექტი -----	8-11
დანართი №3 - აფიდავიტი (საილუსტრაციო ფორმა) -----	12

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული საგარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,

ბ) თუ პრეტენდენტი შეყვანილია მიმწოდებელთა შავ სიაში შესაბამისი შესყიდვის განხორციელების შედეგად

გ) პრეტენდენტი იქნა დისკვალიფიცირებული შემდეგი მიზეზების გამო: წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო დოკუმენტაციით გათვალისწინებულ მოთხოვნებს, წარმოდგენილი საკვალიფიკაციო მონაცემების დამადასტურებელი დოკუმენტები წარმოდგენილია დადგენილი წესების დარღვევით, პრეტენდენტმა უარი განაცხადა ხელშეკრულების დადებაზე, ხელშეკრულების დადების უფლების მოსაპოვებლად პრეტენდენტმა ჩაიდინა არაკეთილსინდისიერი ქმედება.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციის ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა

სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლებადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლებადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადებების ფასების მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ახდენს პრეტენდენტის დისკვალიფიკაციას. თუ პრეტენდენტის მიერ წარმოდგენილი ტექნიკური დოკუმენტაცია შეიცავს უზუსტობას ან/და ნაკლოვანია, შემსყიდველი ორგანიზაცია მას უწესებს არაუმეტეს სამ დღიან ვადას დაზუსტებისათვის ან/და ნაკლოვანების აღმოსაფხვრელად მონაცემი/ების წარმოდგენისათვის. დაუშვებელია სატენდერო წინადადების ისეთი დაზუსტება, რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში, ხდება პრეტენდენტის დისკვალიფიკაცია. თუ დაწესებულ ვადაში პრეტენდენტი არ მოახდენს ტექნიკური დოკუმენტაციის დაზუსტებას, შემსყიდველი ორგანიზაცია ახდენს მის დისკვალიფიკაციას.

წინამდებარე სატენდერო დოკუმენტაცია არ ითვალისწინებს საკვალიფიკაციო მონაცემების წარმოდგენის მოთხოვნას.

თუ ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია შეესაბამება სატენდერო განცხადებითა და სატენდერო დოკუმენტაციით გათვალისწინებულ მოთხოვნებს, აღნიშნული შესაბამისობის დადგენიდან არაუგვიანეს ხუთ სამუშაო დღეში შემსყიდველი ორგანიზაცია დადებს მასთან ხელშეკრულებას.

თუ შემსყიდველი ორგანიზაცია მოახდენს ყველაზე დაბალი ფასის მქონე პრეტენდენტის დისკვალიფიკაციას, ის განიხილავს ყველაზე დაბალი ფასის მქონე მომდევნო პრეტენდენტის მიერ წარმოდგენილ ტექნიკურ დოკუმენტაციას. თუ მის მიერ წარმოდგენილი სატენდერო წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

2. ტექნიკური დავალება, სატენდერო წინადადების ფასის დაანგარიშების წესი, ანგარიშსწორების პირობები (ხელშეკრულების სავალდებულო პირობები)

2.1. შესყიდვის ობიექტის დასახელება, მახასიათებლები, მიწოდების ვადა

2.1.1. შესყიდვის ობიექტი გულისხმობს 13 ერთეული, მონაცემთა გადამცემი მოწყობილობის შემსყიდველი ორგანიზაციის სარგებლობაში გადაცემას და, აღნიშნული მოწყობილობებით, ფიჭურ-მობილური ქსელის მეშვეობით, მუდმივმოქმედ GNSS სადგურებსა და ცენტრალურ სერვერს შორის 24 საათიანი უწყვეტი კავშირისა და მონაცემთა გაცვლის უზრუნველყოფას.

2.1.2. გამომდინარე იქიდან რომ ზოგიერთ შემთხვევაში (ახალციხე, ბათუმი, დედოფლისწყარო, გუდაური, კაზრეთი, ონი, წალენჯიხა) ელექტროენერგიის წყარო არის მზის ბატარეების ენერგია, მონაცემთა გადამცემი მოწყობილობა უნდა მუშაობდეს 10-14VDC სიხშირეზე.

2.1.3. მონაცემთა გადამცემ მოწყობილობებს უნდა გააჩნდეთ ავტომატური დაკავშირების რეჟიმი ავარიული გამორთვისა ან გადატვირთვის შემთხვევაში.

2.1.4. თითოეულ სადგურს უნდა მიენიჭოს სტატიკური IP მისამართი.

2.1.5. შესასყიდი მომსახურების აღწერილობა და სარგებლობაში გადასაცემი მოწყობილობების ტექნიკური მახასიათებლები მოცემულია სატენდერო დოკუმენტაციის ფასთა ცხრილის ფორმაში (დანართი №1).

2.2. შესყიდვის ობიექტის მიწოდების ვადა

2.2.1. მომსახურების მომსახურების გაწევის პერიოდია 2014 წლის 1 იანვრიდან 2014 წლის 31 დეკემბრის ჩათვლით არსებული დრო.

2.2.2. მომსახურების გაწევის ადგილი საქართველოს ტერიტორია.

2.3. შესყიდვის ობიექტის ღირებულების გაანგარიშება

ხელშეკრულების საერთო ღირებულება უნდა გაანგარიშდეს შემდეგი სახით:

სატენდერო წინადადების ფასი დაანგარიშებული უნდა იყოს შემსყიდველი ორგანიზაციის მიერ განსაზღვრული ფორმით (სატენდერო დოკუმენტაციის დანართი №1) შედგენილი ფასთა ცხრილის შესაბამისად. სატენდერო წინადადების ფასი უნდა მოიცავდეს სატენდერო დოკუმენტაციით გათვალისწინებული მომსახურების გაწევისთვის საჭირო ყველა ხარჯს.

2.4. ანგარიშსწორების სავალდებულო პირობები

2.4.1. წინასწარი ანგარიშსწორება არ განიხილება

2.4.2. მიმწოდებელს შესყიდვის ობიექტის ღირებულება აუნაზღაურდება შესაბამისი საგადასახადო ანგარიშ-ფაქტურის წარმოდგენის შემდეგ, შესაბამისი მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 15 სამუშაო დღეში.

3. პრეტენდენტის მიერ წარმოსადგენი ტექნიკური დოკუმენტაცია

3.1. პრეტენდენტმა უნდა წარმოადგინოს სატენდერო დოკუმენტაციის დანართი №1-ის მიხედვით შედგენილი ფასთა ცხრილი.

3.2. პრეტენდენტმა უნდა წარმოადგინოს ინფორმაცია იგივეობრივი ან/და მსგავსი მომსახურების გაწევის გამოცდილების შესახებ (დამკვეთებისა და შესყიდვის ობიექტის დასახელების, რაოდენობის მითითებით).

3.3. პრეტენდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პრეტენდენტი იურიდიული პირის სამართლებრივ-ორგანიზაციული ფორმის, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის შესახებ, ხელმძღვანელობაზე და წარმომადგენლობაზე უფლებამოსილი პირების, ფაქტობრივი მისამართის შესახებ, ტელეფონის ნომერი.

3.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

დამატებითი ინფორმაცია

სატენდერო კომისია საკუთარი ინიციატივით ან ტენდერში მონაწილეობის მსურველის წერილობითი თხოვნით აზუსტებს ტენდერთან დაკავშირებულ ინფორმაციას სატენდერო წინადადებების მიღების დაწყებამდე.

ტენდერში მონაწილეობის მსურველთ ტენდერთან დაკავშირებული ინფორმაციის დაზუსტების მოთხოვნის უფლება აქვთ სატენდერო წინადადებების მიღების დაწყებამდე.

სატენდერო დოკუმენტაციასთან დაკავშირებით დამატებითი ინფორმაციის მიღება პრეტენდენტს შეუძლია სატენდერო კომისიის აპარატში, მისამართზე: ქ. თბილისი წმინდა ნიკოლოზის/ნ. ჩხეიძის ქ. №2 (საჯარო რეესტრის ეროვნული სააგენტო). ტელეფონი: 910517. საკონტაქტო პირი – შესყიდვების სამსახურის თანამშრომელი - თენგიზ ჯუღელი.

ფასთა ცხრილი					სატენდერო დოკუმენტაციის დანართი #1
მომსახურების დასახელება, აღწერილობა, მოწყობილობის მახასიათებლები	მოწყობი ლობის წარმოშობ ის ქვეყანა, მოდელი	მომსახურების ღირებულება ერთი თვის განმავლობაში	მომსახურების გაწევის პერიოდი	მომსახურ ების საერთო ღირებულ ება	GNSS სადგურების ადგილმდებარეობა (მიახლოებითი კოორდინატები)
13 ერთეული, მონაცემთა გადაცემის მოწყობილობის შემსყიდველი ორგანიზაციის სარგებლობაში გადაცემა და აღნიშნული მოწყობილობებით მუდმივმოქმედ GNSS სადგურებსა და ცენტრალურ სერვერს შორის, ფიჭურ-მობილური ქსელის მეშვეობით, 24 საათიანი უწყვეტი კავშირისა და მონაცემთა გაცვლის უზრუნველყოფა სამდიაპაზონიანი WCDMA 850/1900/2100 ოთხდიაპაზონიანი GSM 850/900/1800/1900 ავტომატური დაკავშირების რეჟიმი (connection mode-auto) HSDPA-კატეგორია 11 და 12, 7.2mbps (გადმოწერა) WCDMA 384 kbps-მდე EDGE-მულტი სლოტ კლასი 10 (4 + 1), (3 + 2) 237 kbps-მდე GPRS -მულტი სლოტ კლასი 10 (4 + 1), (3 + 2) 86.2 kbps-მდე ორი ცალი RJ11 პორტი,მაქსიმუმ 600მ, პარალელურად მაქსიმუმ 3 მოწყობილობამდე მიერთება, ანალოგური ფაქსის პორტი, 2 USB 2.0 პორტი, ვაერლეს აქსეს პოინტი IEEE 802.11 b/g, 4 ethernet პორტი პროტოკოლები: Routing, NAT, ALG, DHCP and DNS Server უსაფრთხოება-Internet Security: URL filtering, MAC filtering, Disable ICMP, Firewall, Packet filtering etc... ვაერლეს უსაფრთხოება: WEP, WPA/WPA2 დისტანციური მართვის საშუალება მოწყობილობა უნდა მუშაობდეს 10-14 VDC-ზე დენი ადაპტერის შესასვლელზე- 100-240 VAC, 50-60 Hz დენი ადაპტერის გამოსასვლელზე- 10-28 VDC ენერგომოხმარება ინფორმაციის გადაცემისას- 16.2W კვების შესაერთებელი- EU, UK, US, AU სამუშაო ტემპერატურა- 0°C to 50°C ტენიანობა- 5-95 % სიმ ბარათი- Standard Sim & USIM სტატიკური IP მისამართის მინიჭება თითოეული სადგურისათვის			2014 წლის 1 იანვრიდან 2014 წლის 31 დეკემბრის ჩათვლით		ახალციხე 41°37'50" 42°58' 5" ალგეთი 41°23'10" 45°02'13" ბათუმი 41°36'14" 41°41'36" დედოფლისწყარო 41°26'44" 46° 7'5" გუდაური 42°26' 37" 44°29'26" იორმუდანლო 41°35' 22" 45°32'20" კაზრეთი 41° 23'13" 44°23'52" ონი 42° 34'35" 43°27'17" ფოთი 42° 8' 36" 41°40'13" თელავი 41°55'27" 45°28'29" წალენჯიხა 42°36'38" 42°5'29" ხაშური 41°59'09" 43°35'46" ლაგოდეხი 41°49'25" 46°16'25"

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის მე-2 თავით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს (მეორე თავი).

სახელმწიფო შესყიდვის შესახებ ხელშეკრულება №01/10/

ქ. თბილისი

----- იანვარი, 2014 წელი

იმის გათვალისწინებით რომ მონაცემთა გადამცემი მოწყობილობების შესყიდვაზე გამოცხადებულ გამარტივებულ ელექტრონულ ტენდერში გაიმარჯვა ----- სატენდერო წინადადება,

აღნიშული სატენდერო წინადადების საფუძველზე,

ერთის მხრივ, საჯარო რეესტრის ეროვნული სააგენტო, (შემდგომში – შემსყიდველი ორგანიზაცია), წარმოდგენილი მისი შესყიდვების სამსახურის უფროსის ლაშა მერაბიშვილის სახით და მეორეს მხრივ, „-----“ (შემდგომში - მიმწოდებელი), წარმოდგენილი მისი დირექტორის ----- სახით, ვხელმძღვანელობთ რა სახელმწიფო შესყიდვების შესახებ საქართველოს კანონის და საქართველოში მოქმედი სხვა კანონმდებლობით, ვდებთ წინამდებარე ხელშეკრულებას შემდეგზე:

I. ხელშეკრულების საგანი

- 1.1. ხელშეკრულების საგანია მომსახურების (შემდგომში – შესყიდვის ობიექტი) შესყიდვა.
- 1.2. მომსახურების შესყიდვა გულისხმობს 13 ერთეული, მონაცემთა გადამცემი მოწყობილობის შემსყიდველის ორგანიზაციაში სარგებლობაში გადაცემას და ფიჭურ-მობილური ქსელის მეშვეობით, აღნიშნული მოწყობილობებით, GNSS სადგურებსა და ცენტრალურ სერვერს 24 საათიანი უწყვეტი კავშირისა და მონაცემთა გაცვლის უზრუნველყოფას.
- 1.3. გამომდინარე იქიდან რომ ზოგიერთ შემთხვევაში (ახალციხე, ბათუმი, დედოფლისწყარო, გუდაური, კაზრეთი, ონი, წალენჯიხა) ელექტროენერგიის წყარო არის მზის ბატარეების ენერგია, მონაცემთა გადამცემი მოწყობილობა უნდა მუშაობდეს 10-14VDC.
- 1.4. მონაცემთა გადამცემ მოწყობილობებს უნდა გააჩნდეთ ავტომატური დაკავშირების რეჟიმი ავარიული გამორთვისა ან გადატვირთვის შემთხვევაში.
- 1.5. თითოეულ სადგურს უნდა მიენიჭოს სტატიკური IP მისამართი.
- 1.6. სარგებლობაში გადასაცემი მოწყობილობების ტექნიკური მახასიათებლები მოცემულია სატენდერო დოკუმენტაციის ფასთა ცხრილის ფორმაში (დანართი №1).

II. შესყიდვის ობიექტის ღირებულება

ხელშეკრულების ღირებულება განისაზღვრება ხელშეკრულების პირველი მუხლის 1.2. პუნქტით გათვალისწინებული ფასთა ცხრილით (დანართი №1) და შეადგენს ----- ლარს, საქართველოს მოქმედი კანონმდებლობით დადგენილი გადასახადების გათვალისწინებით, დღგ-ს ჩათვლით.

III. შესყიდვის ობიექტის მიწოდების ვადები და ადგილი

3.1. შესყიდვის ობიექტის მიწოდება განხორციელდება 2014 წლის 1 იანვრიდან 2014 წლის 31 დეკემბრის ჩათვლით.

3.2. შესყიდვის ობიექტის მიწოდების ადგილია საქართველოს ტერიტორია.

IV. შესყიდვის ობიექტის მიღება-ჩაბარების წესი

შესყიდვის ობიექტი ჩაითვლება მიღებულად შესყიდვის ობიექტის ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.

5.2. მიმწოდებელს შესყიდვის ობიექტის ღირებულება აუნაზღაურდება უნაღლო ანგარიშსწორებით, შესაბამისი მიღება-ჩაბარების აქტის გაფორმების შემდეგ, მის მიერ შესაბამისი საგადასახადო ანგარიშ-ფაქტურის წარმოდგენიდან 15 (თხუთმეტი) სამუშაო დღის ვადაში.

5.3. ანაზღაურების ადგილია ქ.თბილისი.

VI. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

- აუნაზღაუროს მიმწოდებელს შესყიდვის ობიექტის ღირებულება ხელშეკრულებით გათვალისწინებული პირობების შესაბამისად;

6.3. შემსყიდველ ორგანიზაციას უფლება აქვს:

- განხორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

- მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა, შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

6.4. მიმწოდებელი ვალდებულია:

- მიაწოდოს ნიეთობრივად და უფლებრივად უნაკლო შესყიდვის ობიექტი შემსყიდველ ორგანიზაციას ხელშეკრულებით გათვალისწინებული პირობების შესაბამისად;

- შესაბამისი წერილობითი მოთხოვნიდან არაუგვიანეს 2 (ორი) დღისა, საკუთარი ხარჯებით აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი;

- ხელშეკრულებით გათვალისწინებული შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ;

6.5. მიმწოდებელს უფლება აქვს:

- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

ხელშეკრულების ინსპექტირებას განახორციელებს შემსყიდველი ორგანიზაციის სამეურნეო სამსახურის თანამშრომელი.

VIII. მხარეთა პასუხისმგებლობა ხელშეკრულების პირობების დარღვევისას

8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის.

8.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ვალდებულების შესრულებისათვის.

8.3 ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

8.4. ხელშეკრულების მხარეს, მის მიერ შესყიდვის ობიექტთან დაკავშირებული ვალდებულების შესრულების ვადის გადაცდენის შემთხვევაში, ყოველ გადაგადაცილებულ დღეზე დაეკისრება პირგასამტეხლო შესყიდვის ობიექტის საერთო ღირებულების ღირებულების 0.3 პროცენტის ოდენობით.

8.5. თუ ხელშეკრულების ერთი მხარისთვის დაკისრებული პირგასამტეხლოს ჯამური თანხა გადაჭარბებს შესყიდვის ობიექტის საერთო ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

IX. ფორს-მაჟორული სიტუაციები

9.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

X. ხელშეკრულების პირობების გადასინჯვა

10.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XI. ხელშეკრულების მოქმედების ვადა

ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2014 წლის 31 დეკემბრის ჩათვლით.

XII. დავა და მისი გადაწყვეტის წესი

12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

XIII. სხვა პირობები

13.1. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

XV. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

შემსყიდველი ორგანიზაცია:

საჯარო რეესტრის ეროვნული სააგენტო

უფლებამოსილი წარმომადგენლის სახელი და გვარი: ლაშა მერაბიშვილი

მისამართი: ქ.თბილისი, წმინდა ნიკოლოზის/ნ. ჩხეიძის ქ.№2

საბანკო რეკვიზიტები: ს.ს. „საქართველოს ბანკის“ ცენტრალური ფილიალი,

ა/ა №008609114, ბ/კ №220101502, ს/კ №202238621

შესყიდვების სამსახურის უფროსი

ლ. მერაბიშვილი

მიმწოდებელი:

შპს „-----“

უფლებამოსილი წარმომადგენლის სახელი და გვარი:

მისამართი: ქ.თბილისი; ს

საბანკო რეკვიზიტები: ს.ს. „ბანკის“ ცენტრალური ფილიალი,

ა/ა.№, ბ/კ.№, ს/კ.№

დირექტორი

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.